



UNIVERSITÄTS-
BIBLIOTHEK
PADERBORN

Universitätsbibliothek Paderborn

Symmvla Caietani

Cajetan, Thomas

Antverpiae, 1575

Conuicium duplicem importat iniuriam.

urn:nbn:de:hbz:466:1-41716

errantum contumelia est, nisi forte notabilis læsio
proximi inde fit.

Conuicium duplicem importat iniuriam.

Conuicium duplicis iniurię nomen est. Quandoque enim generalem sonat iniuriam in proximum, coram illatam verbis, siue significetur malum culpę, vt esse sacrilegum, sicarium, &c. siue malum poenę vt esse cæcum vel claudum: ita quod contumelia est species conuictii. Quandoque autem sonat iniuriam pluriū simul vociferantium iniuriosè contra proximum, vt dicatur conuicium quasi conuictium à multitudine vocū: vt contingit sæpe transeunti pauperi à leuibus personis, iocosè tam en fieri. Et vtroque modo ex suo genere formaliter (hoc est ex intentione dehonoriandi factū) constat esse peccatū mortale: quia quantum est ex intentione actus & loquentis, læditur proximus in honore. Veruntamen propter imperfectionem actus (puta quia materialiter tantum conuictii dicitur sine notabili detrimento honoris, aut quia non verè consensit vt dehonoriandi gratia conuictiaretur, sed quasi primus motus fuit quò ad hoc, aut quia in minimo non curauit dehonoriare) veniale tantum peccatum incurritur. De exemplo autem dicto conuictiantium iocosè, diximus: vt intelligatur conuictii significato, non quod iocosè factum, sit mortale, communiter enim veniale est conuictium iocosum, sed quòd seriò & formaliter fit, mortale est ratione dicta.

Debitū omittēs correctionis grauitèr peccat.

Correctionis, qua subditi à superioribus corrigi, debent (siue puniendo factis, siue increpando verbis, siue superiores sint Prælati Ecclesiastici, siue domini seculares) omisso quādo, sicut, vbi &c. oportet, proculdubio peccatum est mortale: nisi propter